

詩

法

詩法卷之九

審聲

武林思山謝天瑞甫著

五言絕句平仄式

正格

此法以第二字仄入謂之正格

武侯廟

唐杜甫

遺廟丹青落空山草木長猶聞辭後主不復卧南陽

偏格

此法第二字平入謂之偏格

秋朝覽鏡

唐 薛稷

客心驚落木夜坐聽秋風朝日看容鬢生涯在鏡中  
失粘格

贈喬侍御

唐 陳子昂

漢庭榮巧宦雲閣薄邊功可憐驄馬使白首爲誰雄  
拘句格

五言絕句大抵貴拘律

同群公題張處士菜園

唐 高適

耕地桑柘間地肥菜常熟爲問葵藿資何如廟堂肉

各爲平仄格

鹿柴

唐 王維

空山不見人但聞人語響  
返景入深林復照青苔上  
四句平仄不變格

孟城坳

唐 裴迪

結廬古城下時登古城上  
古城非疇昔今人自來往  
前二句平仄不變格

蟬

唐 虞世南

垂緜飲清露流響出疎桐  
居高聲自遠非是藉秋風

後二句平仄不變格

洛陽道

唐 儲光義

洛水春冰開洛城春樹綠朝看大道上落花亂馬足

七言絕句平仄式

正格

苑中遇雪應制

說見五言

唐 宋之問

紫禁仙輿謁且來青旂遙倚望春臺不知庭霰散今朝  
落疑是林花昨夜開

偏格

逢入京使

唐岑參

故園東望路漫漫雙袖龍鍾淚不乾  
馬上相逢無紙筆憑君傳語報平安

失粘格

泛洞庭

唐張說

平湖一望上連天秋景千尋下洞泉  
忽驚水上江華浦疑是乘舟到日邊

拘句格

其法以當下平字處以仄字易之則其氣挺然

言方  
不群此體始於杜子美李太白

登廬山五老峰

唐李白

廬山東南五老峯青山削出金芙蓉九江秀色可攬  
結吾將此地巢雲松

各爲平仄格

其法前二句皆平或仄後二句皆仄或平

過燕支寄杜位

唐岑參

燕支山西酒泉道北風吹沙卷白草長安還在日光  
邊憶君不見令人老

四句平仄不變格

秋山

唐 張籍

秋山無雲復無風  
溪頭看月出深松  
草堂不閉石床靜  
葉間墜露聲重重

前二句不變格

送劉判官赴磧西

唐 岑參

火山五里行人少  
看君馬去疾如鳥  
都使行營太白西  
角聲一動胡天曉

後二句平仄不變格



竹枝詞

唐 劉禹錫

日出三竿春霧銷  
江頭蜀客駐蘭橈  
憑寄狂夫書一紙  
家住成都萬里橋  
貞韻

五言絕句平韻

觀放白鷹

唐 李白

八月邊風高  
胡鷹白錦毛  
孤飛一片雪  
百里見秋毫

憶東山

唐 李白

此詩首句末以仄字起平韻

不向山東久薔薇幾度花白雲還自散明月落誰家

魏宮詞

唐 崔國輔

此詩首句末以平字起平韻

朝日照紅粧擬上銅雀臺盡眉猶未了魏帝使人催  
五言絕句仄韻

江雪

唐 柳宗元

千山鳥飛絕萬徑人蹤滅孤舟蓑笠翁獨釣寒江雪

怨辭

唐 崔國輔

此詩首句末以平字起仄韻

妾有羅衣裳秦王在時作爲舞春風多秋來不堪著

竹里館

唐 王維

此詩首句末以仄字起仄韻

獨坐幽篁裏彈琴復長嘯深林人不知明月來相照  
七言絕句平韻

九月九日旅眺

唐 盧照隣

九月九日眺山川歸心歸望積風烟他鄉共酌黃花  
酒萬里同悲鴻鴈天

奉和聖製錢來濟應詔

唐 許敬宗

萬乘騰鑣警岐涇百壺共帳餞離宮御溝分水聲難  
絕廣宴留歌曲易終

七言絕句仄韻

尋山家

唐長孫佐輔

獨訪山家歇還涉茅屋斜連隔松葉主人聞語未開  
門繞籬野菜飛黃蝶

絕句兩韻

涼州歌

唐王建

三秋陌上早霜飛羽獵平田淺草齊錦背蒼鷹初出

按五花驄馬餵來肥

飛肥字在微字韻齊字自爲韻

絕句後三句一韻

入關先寄秦中故人

唐岑參

秦山數點似青黛  
渭水一條如白練  
京師故人不可見  
寄將兩眼看飛燕

絕句四韻前二仄後二平

蝴蝶舞

唐李賀

楊花撲帳春雲熱  
龜甲屏風醉眼纈  
東家蝴蝶西家飛  
白騎少年今日歸

研幾

實格

絕句之法以第三句爲主此法第三句以實事  
接前二句是爲實接

江雪

柳宗元

千山鳥飛絕萬徑人蹤滅孤舟簑笠翁獨釣寒江雪

江南春

千里鶯啼綠映紅水村山郭酒旗風南朝四百八十  
寺多少樓臺煙雨中

虛接格

此法第三句以虛語接前二句是爲虛接

青樓曲

子瀆

青樓臨大道一上一回老所思終不來極目傷春草

三月晦日送客

崔魯

此詩接句雖實而意則虛

野酌亂無巡送君兼送春明年春色至莫作未歸人

秋思

洛陽城裏見秋風欲作家書意萬重復恐匆匆說不

盡行人臨發又開封

初入諫司喜家室至

竇羣

此詩接句語雖實而意則虛

一旦悲歡見孟光十年辛苦伴滄浪不知筆硯緣封事猶問傭書日幾行

一意格

古詞

李羣玉

一合相思淚臨江洒素秋碧波如會意却與向西流

宮詞

長孫翺



一道甘泉接玉溝上皇行處不曾秋誰言水是無情物也到宮前咽不流

四異格

絕句

杜甫

江動月移石溪虛雲傍花鳥棲知故道帆過宿誰家

慢興

杜甫

糝徑楊花鋪白氈點溪荷葉疊青錢笋根稚子無人見沙上鳬雛傍母眠

興兼比格

對雪獻從兄廬城宰

李白

昨夜梁園雪弟寒兄不知庭前看玉樹腸斷憶連枝

渡湘江

杜審言

遲日園林悲昔遊今春花鳥作邊愁獨憐京國人南  
竄不似湘江水北流

興兼賦格

題花樹

楊衡

都無看花意偶到樹邊來可憐枝上色一一爲愁開

東隣美女歌

宋濟

花暖江城斜日陰  
鶯啼繡戶繞雲深  
春風不道珠簾  
隔傳得歌聲與客心

折腰格

對雨送人

崔曙

別愁復兼雨別淚還如霰  
寄心海上雲千里長相見  
送元二使安西

王維

渭城朝雨裊輕塵  
客舍青青柳色新  
勸君更盡一杯  
酒西出陽關無故人

續腰格

詠史

高適

尚有綈袍贈應憐范叔寒不知天上士猶作布衣看

客有卜居不遂薄遊汧隴者許渾

海燕西飛白日斜  
天門遙望五侯家  
樓臺深鎖無人到  
落盡春風第一花

春一作東

聯珠格

伊州歌

無名氏

打起黃鸝兒莫教枝上啼  
啼時驚妾夢不得到遼西

王昭君

白居易

漢使却回憑寄語黃金何日贖蛾眉君王若問妾顏色莫道不如宮裏時

含意格

登遊樂原

李商隱

向晚意不適驅車登古原夕陽無限好只是近黃昏

洛陽春末送杜錄事

劉禹錫

樽前花下長相見明日忽爲千里人君過午橋回首望洛陽猶自有殘春

分應格

九日登龍山飲

李白

九日龍山飲黃花咲逐臣醉看風落帽愛舞月留人

夜宴公主宅

武平一

王孫帝女下仙臺金榜珠簾入夜開遽惜瓊筵歡正洽唯愁銀箭曉相催

接應格

宿建德江

孟浩然

移舟泊烟渚日暮客愁新野曠天低樹江清月近人

秋江送別

王勃

早是他鄉值早秋江亭明月帶江流已覺逝川傷別  
念復看津樹隱離舟

字應格

絕句

白居易

卧枕一卷書起嘗一杯酒書將引昏睡酒用扶衰朽

城南

崔護

去年今日此門中人面桃花相映紅人面祇今何處  
去桃花依舊笑春風

雙尾格

別輞川

王維

依遲動車馬惆悵出松蘿  
忍別青山去其如綠水何

宿石邑山中

韓翃

浮雲不共此山齊  
山靄蒼蒼望轉迷  
曉月暫飛千樹裏  
秋河隔在數峯西

單尾格

罷相作

李適之

避賢初罷相樂聖且銜杯  
爲問門前客今朝幾箇來

金陵晚眺

高蟾



曾伴浮雲歸晚色猶陪落日泛秋聲世間無限丹青  
手一段傷心畫不成

下句釋上句格

子夜春歌

郭振

陌頭楊柳枝已被春風吹妾心正斷絕君懷那得知

山中間答

李白

問余何事棲碧山咲而不答心自閑桃花流水杳然  
去別有天地非人間

隱語格

藁砧

樂府

藁砧今何在山上復安山何日大刀頭破鏡飛上天

席上代人贈別

蘇軾

蓮子擘開須見憶楸枰著盡更無期破衫却有重縫處一飯何曾忘却時

翻案格

梅花

王安石

牆角一枝梅凌寒獨自開遙知不是雪爲有暗香來

自南朝蘇子卿詩來

感事

丘濬

白髮年來也不公  
春風亦與世情同  
于今燕子如蝴蝶

蝶不入尋常矮屋中

自唐人詩來

點化格

謫居黔南

黃廷堅

相望六千里  
天地隔江山  
十書九不到  
何用一開顏

自唐白居易詩來

題畫睡鴨

黃廷堅

山鷄照影空  
自愛孤鸞舞  
鏡不作雙天  
下真成長會

合兩鳬相倚睡秋江

自徐陵賦語來

奪胎格

謫居黔南其十

黃廷堅

病人多夢醫囚人多夢赦如何春來夢合眼在鄉社

自唐白居易詩來

過外弟飲

王安石

一自君家把酒盃六年波浪與塵埃不知烏石崗頭

路到老相尋得幾回

自唐顧況詩來

換骨格

小舫

王安石

愛此江邊好，留連至日斜。  
眠分黃犢草，坐占白鷗沙。

自唐盧仝詩來

達觀臺

黃廷堅

瘦藤拄到風煙上，乞與遊人眼豁開。  
不知眼界闊多少，

少白鳥去盡。

天回

自李白詩來

定體

送別

唐駱賓王

詩是截律詩前四句其法前散後對

地別燕丹壯髮士衝冠昔時人已沒今日水猶寒

江令于長安歸揚州九日賦唐許敬宗

此詩是截律詩後四句其法前對後散

心逐南雲逝身隨北鴈來故鄉籬下菊今日幾花開

玩初月

唐駱賓王

此詩是截律詩中二聯其法四句兩對

忌滿光恒缺乘昏影暫流自能明似鏡何用曲如鉤

過酒家

唐王績

此詩是截律詩首尾四句其法四句一

意不對

此日長昏飲非關養性靈  
眼看人盡醉何忍獨爲醒

哭台州司戶蘇少監

唐 杜甫

此詩是隔句扇對法以第一句對第三

句以第二句對第四句詳見沙中金集

得罪台州去時危棄碩儒移官蓬閣後敕貴歿前夫

絕句

唐 杜甫

此詩是四句四意

遲日江山麗春風花草香  
泥融飛燕子沙暖宿鴛鴦

寒食汜上

唐 王維

此詩其法前散後對

廣武城邊逢暮春  
汶陽歸客淚沾巾  
落花寂寂啼山鳥  
楊柳青青渡水人

江南

唐 陸龜蒙

此詩其法前對後散

村邊紫豆花垂次  
岸上紅梨葉戰初  
莫恠烟中重回首  
酒旗青紵一行書

奉和聖製幸韋嗣立莊應制唐 李嶠



此詩其法四句兩對

萬騎千官擁帝車  
八龍三馬訪山家  
鳳凰原上窺青壁  
鸚鵡盃中弄紫霞

贈花卿

此詩一作古樂府入破第二疊

唐 杜甫

此詩其法四句一意不對

錦城絲管日紛紛  
半入江風半入雲  
此曲祇應天上有人間  
能得幾回聞

祇一作只

絕句

此詩其法隔句扇對以第一句對第三

句以第二句對第四句

去年花下留連飲暖日天桃鶯亂啼今日江邊容易  
別淡烟衰草馬頻嘶

絕句

唐 杜甫

此詩四句四意不相連屬

兩箇黃鸝鳴翠柳一行白鷺上青天  
窗含西嶺千秋雪門泊東吳萬里船

大凡欲作絕句如窗中覽景立處雖窄眼界自  
寬題廣者取遠景寸山尺水愈覺其遙取近景

一草一木皆有生意言從字順辭從興底命意  
臻妙句少而意無窮方爲作者

唐人以絕句名家者多矣其詞華而艷其氣深  
而長錦綉其言金石其聲讀之使人一唱而三  
嘆

詩法卷之十

三言詩

武林謝天瑞甫著

三言詩起於晉夏侯湛唐人以來作者甚少西  
涯李公麓堂詩話謂三言亦可爲詩豈未見夏  
侯湛詩邪

將進酒

本朝 蘇祐

將進酒樂間陳錯華燈襲錦茵  
覲良時接光塵獻萬年  
酌千金嗟何辭不常醺  
流水逝曜靈沉

四言詩

四言詩起于漢楚王傳章孟四言最古在諸詩  
中獨難以三百篇在前故也

四言詩自曹氏父子王仲宣陸士衡後惟元亮  
最高

四言最古經史韻語二南之前有矣其經聖人  
所刪者出自閭巷謂之風出自朝廷謂之雅用  
之郊廟謂之頌有賦此興之分

諷楚元王

邦事是廢逸遊是娛大馬悠悠是放是駟所執匪德

所親匪俊唯囿是恢唯諛是信嗟哉我王漢之睦親  
曾不夙夜以休令聞

思親

魏王粲

穆穆皇妣德音徽止思齊先姑志侔姜妣躬此勞瘁  
鞠予小子小子之生遭世罔寧烈考勤時從之于征  
奄遘不造殷憂是嬰

停雲

思親友

晉陶淵明

靄靄停雲濛濛時雨八表同昏平路伊阻靜寄東軒  
春醪獨撫良朋悠悠搔首延佇

言  
停雲靄靄時雨濛濛八表同昏平陸成江有酒有酒  
閑飲東窗願言懷人舟車靡從

東園之樹枝條再榮競用新好以招余情人亦有言  
日月于征安得促席說彼平生

翩翩飛鳥息我庭柯歛翮閑止好聲相和豈無他人  
念子寔多願言不獲抱恨如何

五言六句律

五言六句法但可放言遣興不可寄贈

塞止

此詩前四句對後二句不對

唐 李益

漢家今上郡秦塞古長城有日雲長慘無風沙自驚  
當今天子聖不戰四夷平

此詩首二句對  
後四句不對

宋 黃庭堅

三公未白首十輩擁朱輪只有人看好何益百年身  
但願身無事清樽對故人

送黃師是赴兩浙憲

此詩六句三對

宋 蘇軾

世久無此士我晚得王孫寧非叔度家豈出次公門  
白首沉下吏綠衣有公言

幽居

此詩首尾不  
對中二句對

唐 儲光羲



幽人下山徑去去夾清林滑處莓苔濕暗中蘿薜深  
春朝烟雨散猶帶浮雲陰

題畫

此詩六句  
一意不對

本朝

張紳

見雅頌  
正韻

高樹漏疎雨滴瀝下銀塘美人捲簾坐銀鴨自添香  
風吹綠荷葉正見宿鴛鴦

此詩首二句不  
對後四句對

唐

鄭綮

日照西山雪老僧門未開東瓶黏柱礎宿火陷爐灰  
童子病歸去鹿麕寒入來

六言絕句

六言絕句始于漢司農谷永自唐王繼效曹陸  
體賦之其後諸家往往間見其法或對或散亦  
如五七言絕句

六言有回波樂唐中宗內宴群臣各爲回波樂  
皆諷佞之辭獨諫議大夫李景伯一首有規諷  
樂府云商調曲也

輞川

唐王維

此詩四句二對

桃紅復含宿雨柳綠更帶朝烟花落家僮未掃鳥啼

山客猶眠

問李二司直所居雲山

唐皇甫冉

此詩前二句對後二句散

門外水流何處天邊樹遠誰家山色東西多少朝朝  
幾度雲遮

漫興

本朝李夢陽

此詩前散後對

種豆南山一頃朝來豐草離離  
君看藍田種玉何如  
商嶺餐芝

別鵝山

唐 韓翃

此詩四句一意不對

一身趨侍丹墀西路翩翩去時惆悵青山綠水何年  
更是來期

六言律

六言八句作于唐太宗其後玄宗又作小破陣  
樂其散見各家集中法亦如五七言律詩

六言八句亦商調曲

送陳明府赴淮南

唐 韓翃

此詩首尾不對中四句對

年華近過清明落日微風送行黃鳥綿蠻芳樹紫騮  
蹊蹊東城花間一盃促膝烟外千里含情應渡淮南  
信宿諸侯擁旆相迎

送李億東歸

唐 周賀

此詩前六句對後二句不對

黃山遠隔秦樹紫禁斜通渭城別路青青柳弱前溪  
漠漠苔生和風澹蕩歸客落日慙慙早鷺灞上金樽  
未飲讌歌已有餘聲

送萬臣

唐 盧綸

此詩首二句不對後六句對

把酒留君聽琴誰堪歲暮離心霜葉無風自落秋雲  
不雨空陰人愁荒村路細馬怯寒溪水深望盡青山  
獨立更知何處相尋

破陣樂

唐 張說

此詩八句四對

漢兵出頓金微照日明光鐵衣百里火幡焰焰千行  
雲騎駢駢蹙踏遼河自竭鼓譟燕山可飛正屬四方

言  
卷三  
慶賀端知萬舞皇威

六言排律體

此體唐宋人作者亦絕少今錄以備一體

贈致政方伯章公尚素本朝魏倂鄭縣人

宦路累勲報國徽藩乞老歸鄉一林桑梓仍舊三徑  
菊松未荒洛社耆英會合疏家親友徜徉襟期撫景  
聯句日夕揮金醉觴賀監湖頭月色午橋莊裏春芳  
行行曳杖情逸泛泛乘舟興長有客騎鯨采石何人  
嘆犬咸陽閒調水館清瑟倦倚山樓小床萬境承平

可喜四時佳趣非常歲寒梅竹爲伍作範簪纓後行  
七言六句律

七言六句律作者最少惟李太白一首在古詩  
中今錄出以備一體

送羽林陶將軍

將軍出使擁樓船江上旌旗拂紫烟萬里橫戈探虎  
穴三盃拔劍舞龍泉莫道詞人無膽氣臨行將贈統  
朝鞭

七言五句



七言五句始于晉傅玄兩儀詩此格但可卽事  
遣興若題物贈送之類則不可用

兩儀

晉傅玄

兩儀始分元氣清列宿垂象六位成日月西流景東  
征悠悠萬物殊品名聖人憂代念群生

唐杜甫

曲江蕭條秋氣高  
芰荷枯折隨風濤  
遊子空嗟垂二毛  
白石素沙亦相蕩  
哀鴻獨叫求其曹

唐杜甫

此五句又體

即事非今亦非古長歌激烈稍林莽比屋豪華固難  
數吾人其作心似灰弟姪何傷淚如雨

九言詩

九言詩起于魏高貴公卿貴在渾成勁健

暮春即事

本朝 魏儼

往年三月三日梅如豆今歲三月三日梅尚花天道  
無常何況此人事朝烟暮雨搔首情無涯

九言古詩

石城久旱仲冬十二夜大雨曉起作

本朝 魏儼

昨暮陰風怒號雲亂走須臾天黑疾雨敲窓牖臥聽  
蕭瑟寒聲溢耳多勝飲燈前幾杓麻姑酒荷鋤農子  
明看龍齒頭鼓枻商人料入溪龍口曉闢荆扉水漫  
畜魚池鵝鴨浮沉於我愁何有

一字至七字詩

此詩起于唐南史雪月花草等篇

春日登大悲閣二首

宋 錢惟治

閣閣雕鏤彩錯簇明霞攢麗萼玉女窺牖飛仙捧鐸  
沉烟燠寶香媚水涵珠箔千山蒼鬱晴霽萬井喧填  
曉郭登臨徙倚傍瓊欄滿日春光煦寥廓  
閣閣般斤郢作木從繩工必度華飾藻繪蜜施榱桷  
明蟾代寶燈瑞霧爲珍箔欄危似倚高空梯迥疑穿  
碧落有時閑上瞰人寰自謂禽中騰一鶚

一字至十字詩

古無此體至宋始有之然體類四六而音律有  
可取也今錄文與可詠竹李空同芳樹二首以

備

詠竹

宋 文同

竹竹森寒縈綠湘江濱渭水曲帷幔翠錦戈矛蒼玉  
心虛異衆草節勁踰凡木化龍杖八仙陂呼鳳律鳴  
神谷月娥巾帔靜冉冉風女笙竽清簌簌林間飲酒  
碎影搖罇石上圍碁輕陰覆局屈大夫逐去徒悅椒  
蘭陶先生歸來但尋松菊若論檀欒之操無敵于君  
欲圖瀟灑之姿莫賢於僕

芳樹

本朝 李夢陽

倚君子道爲貴貧夫所欽駟馬高蓋東家雖椎牛不  
如西家羹雖有文馬千駟不如西山啜薇猗嗟富貴  
良何爲瞻彼青青兮陌上林穠華灼灼兮一何早涼  
風有時漂搖來吹汝坐見淒淒白露滿芳草願采青  
松寄情親于遠道

七言五詩

題李民曹廳壁畫度雲雨唐岑參

似出棟梁裏如和風雨飛掾曹有時不敢歸謂言雨  
過濕人衣

三五七言詩

三五七言

秋風清秋月明落葉聚還散

復驚相思相見

知何日此時此夜難爲情

賦松竹梅三友圖

泉本朝蘇祐

松竹梅結交情莫逆常向雪中松素心何如江上遲  
來客遲來客誰歲寒變幻似雲雨翻覆如波瀾口血  
未乾心已改堪嘆人間行路難行路難歌聲起此君  
歲絀可偕止大夫自倚岱宗雲處士常照吳江水點

額生腹夢曾化葛陂龍亦引岐山鳳丰神氣槩香  
風塵皎日嚴霜自伯仲歲暮如歲早相看顏色好絕  
交翻憐賸有書世衰友道何草草

四六八言

雜言

本朝 李夢陽

五堦風發蕙花時歇莎鷄夜鳴衰草捲簾獨望秋月  
黃雲沒萬里之關山使妾空老而凋紅顏

雜言

明月在隅蟪蛄夜鳴仰觀天上列星三三五五成行



僚慄悽兮不可以寐嗟哉四時之氣靡常

長短句

長短句者古歌辭之類其語峭絕頓挫其音高下抑揚有波瀾開闔之勢流動變化莫測其涯涘所貴者麗而不浮奇而不僻恠而不俚參差而不亂

蜀道難

唐李白

噫噓噓危乎高哉蜀道之難難于上青天巖叢及魚鳧開國何茫然爾來四萬八千歲不與秦塞通人煙

西當太白有鳥道可以橫絕峨眉巔地崩山摧壯士  
死然後天梯石棧相勾連上有六龍回日之高標下  
有衝波逆折之回川黃鶴之飛尚不能過猿猱欲度  
愁攀緣青泥何盤盤百步九折縈岩巒捫參歷井仰  
脅息以手拊膺坐長歎問君西游何當還畏途巖巖  
不可攀但見悲鳥號古木雄飛呼雌遶林間又聞子  
規啼夜月愁空山蜀道之難難于上青天使人聽此  
凋朱顏連峯去天不盈尺枯松倒挂倚絕壁飛湍瀑  
流爭喧豗砢崖轉石萬壑雷其險也如此嗟爾遠道

之人胡爲乎來哉劔閣崢嶸而崔嵬一夫當關萬夫  
莫開所守或匪親化爲狼與豺朝避猛虎夕避長蛇  
磨牙吮血殺人如麻錦城雖云樂不如早還家蜀道  
之難難于上青天側身西望長咨嗟

回文體

回文詩自晉溫嶠始或云起自竇滔妻蘇氏于  
錦上織成文順讀與倒讀皆成詩句今按織錦  
詩體裁不一其圖如璇璣四言五言六言橫讀  
斜讀皆成章不但回文

四言回文

春日登大悲閣

宋 錢惟治

春城滿望曉閣閑登塵銷霽景定出真僧人懷遠思  
檻凭危層因圓果證勝境斯興

五言回文

春日登大悲閣

宋 錢惟治

聖主欽崇教千光顯紺容映雲牕倚暖籠月泊花重  
淨刹香風遠危欄碧霧濃勝因良以詠華閣一斯逢

七言絕句回文

題織錦圖

宋 蘇軾

春晚落花餘碧草  
夜涼低月半枯桐  
人隨遠鴈邊城暮  
雨映疎簾綉閣空

七言律回文

題金山寺

宋 蘇軾

潮隨暗浪雪山傾  
遠浦漁舟釣月明  
橋對寺門松徑小  
巷當泉眼石波清  
迢迢遠樹江天曉  
靄靄紅霞晚日晴  
遙望四山雲接水  
碧峯千點數鷗輕

反覆體

此體舉一字而誦皆成句無不押韻反覆成大  
唐李公詩格有此二十字詩宋錢惟治亦有之  
今錄以備一體

春日登大悲閣二首

此詩二十字連環讀  
反覆成詩四十首

宋 錢惟治

碧天臨迥閣晴雪點山屏夕煙侵冷箔明月歛閑亭  
裊霞披迥殿香霧擁輕簾曉花歌靜院芳樹捧晴簷  
離合體亦回文

離合一格字相析合成文孔融漁父屈節之詩  
是也今錄玉連環一首以備一體

玉連環

此詩原作連環寫之以花字藏頭其詩  
中花字麻字沙字槁字俱雙呼三喚五  
七成文左右通貫兼回文藏頭析合三  
體而有之

詩中麻字上  
六字音琰

花飛螢聚亂麻野闊接平沙磯灘露荻槁微翠近明

花

借字體

春景

宣宗皇帝

皇家美景際春陽  
氣繁華物物芳草和煙當砌好花  
笑日隔簾香風已趁群生樂歲應期萬載昌  
運如期臻盛治平有永紹義皇

聯句體

聯句者在坐之人角其才力率然成句聯絡成章對偶親切類乎誇奇鬪戲古無此法自韓退之始觀之石鼎鬪鷄可見或云謝宣城陶靖節杜工部集中俱有聯句聯句不自退之始



客淮南幙中赴宴杜牧席上聯句

唐 張祜

骰子逡巡累手拈無因得見玉纖纖杜牧但須報道

金釵墜髻鬋還應見指尖張祜

足柳公權聯句 宋 蘇軾

人皆苦炎熱我愛夏日長唐文宗薰風自南來殿閣生

微涼柳公權一爲居所移苦樂未相忘願言均此施清

陰分四方蘇軾

鬪鷄聯句為長篇之法

集句體

集句者集古人之句以成篇宋王安石始盛石曼卿大著是雖未足以益後學亦足見詩家組織之工

暮春閨意

本朝 梁橋

幾度春眠覺

楚令狐

開簾滿地花

李益

眼看春又去

楚令狐

長恨隔龍沙

錢起

秋夜

本朝 梁相

西風吹雨滴寒更

秦韜王

宋玉含悽夢亦驚

許渾

楊柳敗

梢飛葉響

譚用之

千家砧杵共秋聲

錢起

下第偶成集句

宋 石曼卿

一生不得文章力欲上青雲未有因聖主不勞千里  
召姮娥何惜一枝春鳳凰詔下雖沾命豺虎叢中也  
立身啼得血流無用處着朱騎馬是何人

首尾吟

春日田園雜興

元 陳希邵

春來非是愛吟詩詩是田園漫興時無事花邊繙兔  
冊有時桑下課牛醫乍隨父老看秧去還共兒童闔

草嬉偶物興懷渾不奈春來非是愛吟詩

古樂府

上邪

漢古辭

上邪我欲與君相知長命無絕衰山無陵江水爲竭  
冬雷震震夏雨雪天地合乃敢與君絕

西門行

古辭

出西門步念之今日不作樂當待何時

解一夫爲樂爲

樂當及時何能坐愁怫鬱當復待來茲

解二飲醇酒炙

肥牛請呼心所歡可用解愁憂

解三人生不滿百常懷

千歲憂晝短苦夜長何不秉燭遊

解四

自非仙人王子

喬計會壽命難與期自非仙人王子喬計會壽命難

與期

解五

人壽非金石年命安可期貪財愛惜費但爲

後世嗤

解六

### 飲馬長城窟行

古辭

青青河畔草綿綿思遠道遠道不可思夙夜夢見之  
夢見在我傍忽覺在他鄉他鄉各異縣輾轉不可見  
枯桑知天風海水知天寒入門各自媚誰肯相爲言  
客從遠方來遺我雙鯉魚呼童烹鯉魚中有尺素書

長跼讀素書書中竟何如有加餐飯下有長相憶

定情篇為長篇法

謠體

城上烏董謠

古辭

城上烏尾畢逋公為吏子為徒一徒死百乘車車班  
班入河間河間姹女工數錢以錢為室金為堂石上  
慊慊春黃梁梁下有懸鼓我欲擊之丞卿怒

謳體

築者謳

宋人

澤門之哲實與我後邑中人黔實慰我心

騷體

離騷楚聲也始于屈原其辭幽憂非所以變風雅者也後人效之故有招隱士山中人等作然

亦不及古矣

離遭也騷憂也

作騷辭宜情深痛切而極其情

九歌東皇太一

吉日兮辰良穆將愉兮上皇撫長劒兮玉珥璆鳴  
今琳琅席兮玉填盃將把兮瓊芳蕙有蒸兮蘭藉

奠桂酒兮椒漿揚枹兮拊鼓疏緩節兮安歌陳竽瑟  
兮浩倡靈偃蹇兮姣服霏霏兮滿堂五音紛兮繁會  
君欣欣兮樂康

九辨一

漢 宋玉

悲哉秋之爲氣也蕭瑟兮草木搖落而變衰慄慄兮  
若在遠行登山臨水兮送將歸泠寥兮天高而氣清  
寂寥兮收潦而水清憫悽增欷兮薄寒之中人愴怳  
懣恨兮去故而就新坎廩兮貧士失職而志不平廓  
落兮羈旅而無友生惆悵兮而私自憐燕翩翩兮其



辭歸兮蟬寂漠而無聲鴈離離而南遊兮鷓鴣啁哳  
而悲鳴獨申旦而不寐兮哀蟋蟀之宵征時臺臺而  
過中兮蹇淹留而無成

辭體

哭周先生辭

本朝 魏儼

辭貴古遠淳暢自三百篇楚騷中來方

得體

吁嗟先生猗鳬縹縹以何從猗窮乎玄間遼不可援  
猗宿昔麗世葆貞則猗相維金玉英昭奕猗籍而蘋

蘅幕而枯樵猗紫鳳之儺個而玄鶴之逡巡猗抗行  
下煙泰宇無垠猗吁嗟先生烝誰與執猗歲習習而  
邁猗鬢星焉其粲猗疑寧戚之克昭道茲竟爲身貴  
猗何堪與之殯秀猗予其悵悵而頤頤猗鷺猗離猗  
命害習險猗壽猗陞猗天害倭檢猗吁嗟先生終其  
然猗有認調囁兒拊髀上延猗何珣玕而畢捐猗去  
矣先生予疆其與若人猗此辭句未用猗字取琴張  
臨子桑戶之喪而歌云而  
我猶爲人猗之猗此體未前聞衍之自魏你  
始當與楚辭斐字同體唯哀辭祭文可用

歸去來之類又一體

操體

操者操也君子操守有常雖阨窮猶不失其操也若南風思親拘幽猗蘭等操皆稱聖人之詞未敢以爲信然後之作者蓋擬之唐子西云琴操非古詩非騷詞惟退爲得體

將歸操

孔子之趙聞殺竇鳴犢作

秋之水兮風揚波舟楫顛倒更相加歸來歸來胡爲斯

拘幽操

文王姜里作

殷道溷溷浸濁煩兮朱紫相合不可別分兮迷亂聲  
色信讒言兮炎炎之霍使我愆兮幽閉牢寗由其言  
兮遘我四人憂勤兮

擬將歸操

唐 韓愈

秋之水兮其色幽幽我將濟兮不得其由涉其淺兮  
石齧我足乘其深兮龍入我舟我濟而悔兮將安歸  
尤歸兮歸兮無與石鬪兮無應龍求

擬拘幽操

唐 韓愈

目窈窕兮其凝其盲耳肅肅兮聽不聞聲朝不日出  
兮夜不見月與星有知無知兮爲死爲生嗚呼臣罪  
當誅今天王聖明

歌體

永言謂之歌有高下之節誦之使人興起宜通

暢響亮

南風歌

南風之薰兮可以解吾民之愠兮南風之時兮可以

阜吾民之財兮

卿雲歌

卿雲爛兮禮縵縵兮日月光華旦復旦兮  
引體

篳篥引

古辭

公無渡河公竟渡河墮河而死當柰公何

問答體

春桂問答

唐王維

此詩托物喻人

言  
卷之十一  
問春桂桃李正芳華年光隨處滿何事獨無花  
春桂答春華詎能久風霜搖落時獨秀君知不

五雜組

五雜組

梁沈約

五雜組岡頭草往復還車馬道不獲已人將老

五雜組

唐王融

五雜組慶雲發往復還經天月不獲已生胡越

五雜組處朝市往復還王良馭不獲已昭君去

五雜組園中樹往復還虧盈數不獲已邊城戍

三婦艷

三婦艷

唐 董思恭

大婦裁純素中婦弄明璫小婦多恣態登樓紅粉粧  
丈人且安坐初日漸流光

三婦艷

唐 王紹宗

大婦能調琴中婦詠新詩小婦獨無事花庭曳履綦  
上客且安坐春日正遲遲

四愁詩

四愁詩其一

漢 張衡



一思曰我所思兮在太山欲往從之梁父艱側身東望涕沾翰美人贈我金錯刀何以報之英瓊瑤路遠莫致倚逍遙何爲懷憂心煩勞

五噫歌

過京師作五噫之歌

漢梁鴻

陟彼北邙兮噫顧覽帝京兮噫人之劬勞兮噫宮室崔嵬兮噫遼遼未央兮噫

藁砧

藁砧

古註云藁砧者砧謂夫也山上山出也大  
刀頭刀環也破鏡半邊月也言夫出還在  
半月也

藁砧今何在山上復安山何日大刀頭破鏡飛上天  
上留田

上留田

魏文帝

居世一何不同上留田富人食稻與粱上留田貧子  
食糟與糠上留田貧賤一何傷上留田祿命懸在蒼  
天上留田今爾嘆息將欲誰怨上留田

禽言

禽言鳥語也因其自呼之名而名之宋梅聖俞蘇東坡諸公俱有之詩宜麗而婉假喻以達事情使人快覩而易悅可也

不如歸去

宋 梅聖俞

不如歸去春山雲暮萬木兮參天蜀山兮何處人言有翼可歸飛安用空啼向高樹

脫布袴

宋 蘇軾

南山昨夜雨西溪不可渡溪邊布谷兒勸我脫布袴